

雷經館遺集

譚延闓署籤



序

奮經老人歸道山後十年文孫士卓就予請曰先大父詩文不多見今存一
二手鈔本凡若干首親友爭快觀而苦難徧及欲印行乞吾丈一言爲識惟
丈累世通家重之以婚姻於先大父生平爲人與造詣之甘苦類能言之親
切有味以視求彼達官貴人之諛慕浮詞以爲增重者不旣多乎哉且夫今
之達官貴人亦安足爲先大父重者義年義不敢辭謹綴數語如左公諱煥
章字成軒系出襄陽詩人工部裔也遠祖元輔公以明季進士官四川敘州
牧歷數世而家於今之萬縣祖養雲以選拔授富順教諭陞任江蘇安東令
父覲廷邑名諸生公少孤而慧數歲解韻語母夫人王督之嚴每歸自塾且
紡且課與弟煥南棠村先後餽於庠名藉甚時有二杜二劉之目謂公兄弟
暨先伯紀三私諡端敬先府君吉六私諡端介是也日益以文章道義互相切磨

相率而遊於熙臺朱先生之門時陳緝菴徵君主萬川講席邑侯長沙樹堂

卓懷

馮公儒學隆昌宗山

秦衡

范公皆負海內經師人師之望風流宏獎得

人號極盛而於此四君子間所以陶冶而期許之者尤摯且厚無何棠村以秋試被放嘔血死端敬先生舉丁卯賢書第一再上春官不第旋以哀毀卒公且潦倒名場垂三十年至光緒丙戌始選授銅梁教諭先端介亦於次年任簡州訓導不兩稔而薨於位豈所謂天公忌才而六親同運者非歟嗚呼何數之奇也乃公氣不稍奪仍復再接再勵力戰秋風及猶子翰藩以拔萃登癸巳鄉薦報至則大獲謂此可慰亡弟於地下所異者義年以羣從弟子每負杖侍竹林遊僅弱阿咸三歲許何物造化弄人竟遲我十年兄弟兩三人

乙青

立青兩弟中本省鄉試予捷北闈

乃上與老阮僭齊年之誼至是而公亦輪甲

子一週久矣辱書馳賀略謂八十老嫗倒綳孩兒猶學新嫁娘爭畫眉樣入

時夕陽雖好已近黃昏尙敢作龍頭老成想耶顧講學半生門下士之掇巍科拾青紫以去者指不勝僂而慰情聊勝以年年送人作郡之身今亦爲人送作郡又不覺破顏一笑殊君家弟兄不可當予以堂堂太親翁資格於乙青復忝一日之長若立青則末座年少直吾族慘緣行耳亦竟咄咄逼人俾予不得不退就年家眷弟之列君達人或有以處予以予究何以自處耶然自是吾兩家一段科名佳話吾似紀三而棠村似吉六不於其孫於子孫醺酒九原大足爲有才無命者吐氣吾言雖謔吾心滋快已蓋其喜之深而不覺其言之長也迨癸卯禮闈一別官轍東西分飛勞燕至壬子七月公遽以疾由嘉定教授陞任乞歸終於里第春秋七十有七遺著種種均待續刊茲集其一也公嘗謂文字小道但語語要從心坎中流出方有我在勦襲雷同人人皆等身著作矣何尙焉又謂作者競欲傳夫傳豈易言者卽足傳矣而

有幸不幸在吾第求免覆瓿示子孫耳此中三昧夫子固自道之游夏奚贅一詞哉見淺見深是在讀者義年嘗鼎一臠如飫百饕以質進高亦許爲真知味者否然而擲筆惘然吾家之家珍集近且同兩弟極意搜羅成書訖不知何日也噫中華民國十二年中秋前五日姻世愚姪劉義年拜序於盤山別墅之小離垢軒

題辭

我昔弱齡好文藻往往郵詩乞削稿二十六年彈指間公歸道山我亦老論
戚公是丈人行論才公亦負時望廣文官冷詩不寒管城子有食肉相公之
賢孫我之甥郵公詩卷來燕京謂公於我有夙契同年同里窺生平況我少
也受衣鉢風騷旨趣早領略校正魯亥箋蟲魚敢以不敏負所託經冬復春
無停時勘畢還甥削闕之公詩清老豈待贅後之覽者當自知

姻愚姪謝樹璧拜題於京師宣南寓齋

書後

萬縣杜成軒先生耆老於學篤行植品爲縣士大夫所嚴事凡一時勝流有聞於世者非其羣從嫻故則弟子也予舊與其猶子詩笠論交今文孫進高復以畚經館遺集見示得竟觀之大氏壹意獨造不事規摹而風骨清迥滌盡塵坌其源於道義者深也進高天資明悟嗜學妮古詩律書勢均守家法持此不懈殊不能量其所止杜氏爲有子矣因附書於集後乙丑十月朔奉節劉貞安

畚經館遺集總目

遺象二

遺墨四

年譜一卷 榮哀錄附

詩鈔一卷 和作原作附 凡二百四十首

文鈔三卷 凡一百又九首

駢體文一卷 凡九首

聯語一卷 凡七十又一聯

較閱名氏

黎庶昌 蕓齋 評文

陳昌 世五 評聯語

左斗才 逸仙 評聯語

劉義年 峙冬 主任較閱

謝樹璧 荷莊 分較詩集

譚以大 直方 較閱

劉樹聲 乙青 較閱

劉貞安 問竹 較閱

陳濂 蓮波 較閱

王琨 海容 較閱



像 遺 主 館 經 畚



像遺庵笠姪其及主館經畚

畚經老人自述年譜一卷

附榮哀錄

原书空白页

雀經老人自述年譜

道光十六年丙申一歲九月十三日丑時母氏王誕小子於萬縣城南縣署之東街老宅

宅爲嘉慶間族人所售今轉售於天申當郭姓

者是年先考覲廷府君以郡試第一人入泮

丁酉二歲

戊戌三歲八月十一日弟煥南生

己亥四歲

庚子五歲從府君識字

辛丑六歲從府君受毛詩

壬寅七歲一日讀書晏起府君呼佃者龍大曰若明日將小擔來吾家某不勤讀書當隨若擔糞去小子遂潛入座竟日不出懼擔糞者携之去也午餐熟女僕強持出之坐上已遺矢矣

癸卯八歲曾祖母氏朱卒於東城新宅各房長幼男女齊集治喪嘗召術者殷辭子爲擲紙變鴿食火吐箋之戲余俯向母氏曰此邪法也

甲辰九歲府君有疾數月輟讀

乙巳十歲正月十三日府君卒仲父恪菴公延地師張協堂卜葬於五桐坪其地爲母氏王產業袁門坳所易者也既葬母氏猶時哭諸室小子亦時侍側隨之輟哭乃去是年弟南病痘毒於臂上瀕危者屢後以羊肉湯愈之遂偕從季父巽齋公讀值成皇帝六旬萬壽各廟會街衢慶祝一月極闐咽繁華之盛十月季父游宦河南遂罷講

丙午十一歲與弟南從再從伯熙亭公受學於東門吉人從祖宅五月東郭災延燒南郭入城予老宅門外爲瓦礫場門內無恙火既滅其臥室竹簾爲樓迹之則榱桷成炭而竹簾如故也人以爲母氏節孝致有鬼神阿護云丁未十二歲與弟南從姚薰南師於外大父王燮齋公宅是年外大父卒伯兄煥房亦殤年十四矣

戊申十三歲與弟南從萬壽亭仁培師於王黼廷舅氏家

己酉十四歲與弟南從譚組黼師於舅氏家習時文試帖

庚戌十五歲與弟南仍從萬壽亭師於舅氏

咸豐元年辛亥十六歲與弟南從萬子千元俊師於吉人從祖宅同學者劉君紀三家設歲試冠軍

壬子十七歲與弟南在舅家從李月齋兆庚師時文外兼習詩賦師善講說每授陳文一篇余聽畢卽能成誦是年大母王卒地師曾矮子卜兆於黃泥地曰當發次房以大父論之則恪菴公爲次以大母所生論之則先考爲次季父巽齋公曰無論何房有發便爲吉壤遂窆

癸丑十八歲與弟南初應童子試因與李南岑向陽李偉仙宏圖王會之輔朱鏡溪心田吳定臣安良王式九熙

八人通譜南岑會之卽以是年入泮

甲寅十九歲娶於程氏邑庠生海珊公繼洛仲女也

乙卯二十歲從李月齋師於舅氏左堂宅邑侯陸次山瓊浙東名宿每月詣書院課時藝外別試雜作曰遙課課初立以國士無雙賦置余冠軍弟南亦以擬杜少陵諸將五首七律前列於是兄弟皆有詩賦名

丙辰二十一歲十月院試典試者爲侯官鄭九丹瓊詔太史試藝六縣詩賦取余第四人棠村與焉正榜出兄弟皆獲雋遂以新生錄科卽以第五人補廩童試水號面覆創於藝棚後各省皆仿行之是年棠村完婚朱氏邑副貢熙臺仁字公女也

丁巳二十二歲從朱熙臺師於虎頭寨治舉業同門者爲姚在堂本地譚翼青雲鵬譚資生一元王介侯文炳王

式如佐文芹溪廷藻並余與棠村而入其應童試者則汪次峰如霖王子才植枏施虞廷惠王仿之懷本甘龍淵

泉諸人後本地選拔雲鵬佐如霖與余中鄉試植枏等亦舉茂才一時稱極盛焉其服官者翼青爲江西知縣芹

溪爲貴州縣丞式如選西陽訓導次峰爲眉州學正劉吉六家諱由歲貢爲簡州訓導同學時猶未及冠也

戊午二十三歲與棠村同赴鄉舉依朱熙臺師寓成都南聖壽寺內殿王介侯王式如張新菴積厚張敦甫裕厚

及中表王會之與焉其外殿則魏小瑚喬梓及其張甥聞縣黎樹集及其門人鄭子喬外臺則聞縣張儀雲李海

樓儀雲氣宇英發爲沈秋帆西序廉訪宅相後果作宰江西是秋回萬縣與儀雲諸人同登嘉定凌雲山東坡讀書樓丙寅有追憶詩

己未二十四歲同棠村再赴省試與謝雨亭詩章謝春帆詩正程廣唐繼勳文芹溪同寓城南梓潼宮時劉綏之

衍嗣寓下殿能以視目療人疾有某姓者請視劉爲言其平生過惡其人痛哭悔改疾亦旋愈於是綏之醫名大

譁七月棠村子翰藩生九月自省回萬道出叙州時菸匪藍大順等已破筠連高峯等縣叙州戒嚴萬軍門統兵東下尙未成行予與同人倉皇解纜去聞次日賊旗臨江矣

庚申二十五歲貨小南門老宅於恒德當爲季父巽齋償債四月移居小西門王宅六月大水王宅街門淹及丈是年舉拔萃科學使黃樹階侍郎賞余錄科策題頗屬意焉後姚本地以賄得余遂失選

辛酉二十六歲與紀三棠村會文於禹廟之觀音堂五日一聚廟僧懶雲三學和尙能詩亦邀劉丈敦山采蘊並起詩

社時有唱和潢池人李春榮雅慕之掃凌雲閣煮茗以待夜必小集過者輒指爲名士廬是年滇匪李短瓣竄蜀

鄉試停科萬邑遂設局籌防總辦南北岸防堵縣公余濟清居寬另立城守局於公樂堂禮子專司會計其分任

局事者爲棠村紀三及柯瓊階隆舉賴玉峯奎毅王煥齋廷章於是置四城長修城梁安壇道建砲臺哨樓創製

旗幟刀矛鎗砲鍋帳藥火彈丸招募五百營勇以憲營副將馬輔廷統之一月而畢在局治事無間晴雨日唯歸

家餐宿而已臘杪除日大雪猶使棠村與汛官梁卓齋正超登都歷峰勘寨築關險以固城防故明年賊至城守